

## К ОПУБЛИКОВАНИЮ

### КОМИ РЕСПУБЛИКАСА ЮРАЛЫСЬЛӨН ИНДӨД

#### **Челядьлөн да том йөзлөн россияса өтмунөмкөд, сылөн дінму юкөнкөд, меставывса да первичной юкөнъяскөд өтув уджалом серти Коми Республикаса Юралысь бердын координационной совет йылысь**

«Челядьлөн да том йөзлөн россияса өтмунөм йылысь» 2022 во сора тöлысь 14 лунся 261-ФЗ №-а Федеральной оланпас серти шуа:

1. Котырны Челябинда том йөзлөн россияса өтмунөмкөд, сылөн дінму юкөнкөд, меставывса да первичной юкөнъяскөд өтув уджалом серти Коми Республикаса Юралысь бердын координационной совет.

2. Вынсьөдны:

1) Челябинда том йөзлөн россияса өтмунөмкөд, сылөн дінму юкөнкөд, меставывса да медводдза юкөнъяскөд өтув уджалом серти Коми Республикаса Юралысь бердын координационной советө пырысьяссө (чиньяс серти) 1 №-а содтөд серти;

2) Челябинда том йөзлөн россияса өтмунөмкөд, сылөн дінму юкөнкөд, меставывса да первичной юкөнъяскөд өтув уджалом серти Коми Республикаса Юралысь бердын координационной совет йылысь положениесө 2 №-а содтөд серти.

3. Тайө Индөдсө олөмө пöртөм бöрся видзөдны Коми Республикаса Вескөдлан котырөн Юрнуөдысьөс вежысьлы, коді кывкутана могьяс юклөм серти ладмөдө Коми Республикаын том йөз канму политика збыльмөдан юалөмьяс серти Коми Республикаса олөмө пöртысь власьт органьяслысь уджсө.

4. Тайө Индөдыс вынсялө сійөс кырымалан лунсянь.

Коми Республикаса Юралысь

В. Уйба

Сыктывкар

2022 вося йирым тöлысь 27 лун

126 №

ВЫНСЬӨДӨМА  
Коми Республикаса Юралысьлөн  
2022 во йирым төлысь 27 лунся 126 №-а Индөдөн  
(1 №-а содтөд)

Челядълөн да том йөзлөн россияса өтмунөмкөд, сылөн дінму юкөнкөд,  
меставывса да первичной юкөнъяскөд өтув уджалом серти  
Коми Республикаса Юралысь бердын координационной советө  
**ПЫРЫСЬЯС**  
(чиньяс серти)

1. Коми Республикаса Юралысь (Координационной советөн веськөдлысь).
2. Коми Республикаса Веськөдлан котырөн Юрнуөдысьёс вежысь, коді кывкутана могъяс юклөм серти ладмөдө Коми Республикаын том йөз канму политика збыльмөдан юалөмъяс серти Коми Республикаса олөмө пörтысь власьт органъяслысь уджсө (Координационной советөн веськөдлысь вежысь).
3. Коми Республикаса велөдан, наука да том йөз политика министр (либө сійөс вежысь морт) (Координационной советса секретар).
4. Коми Республикаса Веськөдлан котырөн Юрнуөдысьёс вежысь, коді кывкутана могъяс юклөм серти ладмөдө Коми Республикаын велөдан да наука удж сөвмөдан, наука организацияскөд өтув уджалан юкөннын канму политика збыльмөдан юалөмъяс серти Коми Республикаса олөмө пörтысь власьт органъяслысь уджсө.
5. Коми Республикаса Каналан Советөн Веськөдлысь (сёрнитчөмөн).
6. Коми Республикаса национальной политика министр (либө сійөс вежысь морт).
7. Коми Республикаса культура, туризм да архив удж министрөс медводдза вежысь.
8. Коми Республикаса вынйөр сөвмөдан да спорт министрөс вежысь.
9. «Челядлы да том йөзлы республиканскөй шөрин» Коми Республикаса содтөд төдөмлун сетан канму ашшөрлуна учреждениелөн том йөз политика серти директорөс вежысь (сёрнитчөмөн).
10. Челядълөн да том йөзлөн россияса өтмунөмлөн дінму юкөнөн веськөдлысь (сёрнитчөмөн).
11. Коми Республикаын вылыс тшупода велөдчанінъясса ректорьяслөн советөн өтув председатель (сёрнитчөмөн).
12. Коми Республикаын мортлысь инөдьяс торья дорйысь (сёрнитчөмөн).
13. Коми Республикаын пытшкөс делөяс министерстволөн личной составкөд уджөн веськөдланінса начальникөс вежысь (сёрнитчөмөн).
14. Коми Республикаын пытшкөс делөяс министерстволөн полицияса уполномочитөм участкөвөйяслысь да тыр арлыдтөмаяслөн

делӧяс серти юкӧдувьяслысь уджсӧ котыртан юкӧнса начальникӧс вежысь  
(сӧрнитчӧмӧн).

ВЫНСЬӨДӨМА  
Коми Республикаса Юралысьлөн  
2022 во йирым төлысь 27 лунся 126 №-а Индөдөн  
(2 №-а содтөд)

Челядьлөн да том йөзлөн россияса өтмунөмкөд, сылөн дінму юкөнкөд,  
меставывса да первичной юкөнъяскөд өтув уджалөм серти  
Коми Республикаса Юралысь бердын координационной совет йылысь  
**ПОЛОЖЕНИЕ**

1. Челядьлөн да том йөзлөн россияса өтмунөмкөд, сылөн дінму юкөнкөд, меставывса да первичной юкөнъяскөд өтув уджалөм серти Коми Республикаса Юралысь бердын координационной совет (водзö – Координационной совет) лоö Коми Республикаса Юралысь бердын координационной совещательной органөн, кодöс котыртöма сы могысь, медым совмөдны челядьлысь да том йөзлысь россияса өтмунөмсö, отсавны нуöдны челядьлөн да том йөзлөн интересьясын канму политикасö, отсавны быдтыны-велöдны челядьöс, отсавны налы аддзыны уджсикаснысö, котыртны челядьлысь да том йөзлысь прöст кад коллялөмсö, лöсьöдны öткодь позянлуньяс челядьöс да том йөзöс быд боксянь совмөдөм да наөн ас туй бöрийөм вылö, дасьтыны найöс йөзкотырын тырвийö олөм кежлö, россияса традиционной духовной да нравственной озырлуньяс, Россия Федерацияса войтырьяслөн традицияс, россияса да мирса культуралөн шедöдөмьяс подув вылын налысь видзöдлас артмөдөмсö пыртөмөн, а сідзжö совмөдны налысь йөзлы колана да творческой зільлун, ыджыд нравственной качества, Айму дорö муслун да пыдди пунктөм, уджачлун, инöда культура, миянöс кытшалысь гөгөртасөн бура вöдитчөм, öнiя да быдмысь войтыр водзын асланыс олөм да Аймулөн олөм вöсна кывкутөм.

2. Аслас уджын Координационной совет подуласьö Россия Федерация Оланподув, федеральной оланпасьяс да Россия Федерацияса мукöд нормативной инöда акт, Коми Республикаса Оланподув, Коми Республикаса оланпасьяс да Коми Республикаса мукöд нормативной инöда акт вылö, а сідзжö тайö Положение вылö.

3. Координационной совет збыльмөдö федеральной власьт органьяслөн мутас тэчасьяскөд, Коми Республикаса канму власьт органьяскөд, Коми Республикаын меставывса асвеськөдлан органьяскөд, öтйöза өтувьяскөд да мукöд организациякөд өтув уджалігөн сылы сетөм могьяссö.

4. Коми Республикаса Юралысь вынсьөдö да вежö Координационной советö пырысьясöс да сылысь Положениесö.

Координационной советö пырöны Координационной советөн веськөдлысь, сійöс вежысь, Координационной советса секретар да Координационной советö пырысьяс. Координационной советö пырысьяслөн өтувья лыдыс 15 мортысь абу унджык.

Координационной советö пырысьяс уджалöны дон босьттөг.

5. Координационнӧй сӧветлӧн шӧр могъясӧн лоӧны:

1) челядьлӧн да том йӧзлӧн россияса ӧтмунӧмлӧн дӧнму да меставывса юкӧнъяскӧд ӧтув уджалӧм;

2) дӧнму власьт органъяслысь да Коми Республикаын меставывса асвескӧдлан органъяслысь, кодъяс уджалӧны велӧдан, том йӧз да семья политика, йӧзлысь дзоньвидзалун видзан, социальнӧй политика, вынйӧр сӧвмӧдан да спорт, видзчысянлун да инӧда пӧрадок, культура юалӧмъяс серти, челядьлӧн да том йӧзлӧн россияса ӧтмунӧмлӧн дӧнму да меставывса юкӧнъяслӧн уджӧ пырӧдчӧмсӧ котыртӧм;

3) уджсикас аддзӧмын отсалӧм дӧнму организациясӧс-удж сетысьсӧс корӧмӧн;

4) челядьлысь да томуловлысь да том йӧзлысь ӧтувъяссӧ челядьлӧн да том йӧзлӧн россияса ӧтмунӧмлӧн дӧнму да меставывса юкӧнъяслӧн уджӧ пыртӧм, кодъяс збыльмӧдӧны йӧзлы тӧдчана удж дӧнму да муниципальной тшупӧдъясын;

5) Коми Республикаса велӧдан организацияскӧд, наука шӧринъяскӧд да уджсикас серти ӧткотыръяскӧд ӧтув уджалӧм Коми Республикаын челядьлысь ӧтмунӧм сӧвмӧдан, челядьӧс да том йӧзӧс быдтан-велӧдан медбур практикаясӧн, методикаясӧн тӧдмасьӧм да найӧс лыдмӧдӧм могысь;

6) челядьлӧн да том йӧзлӧн дӧнму да муниципальной водзӧ вылӧ лача сетысь водзмӧстчӧмъяс да проектъяс серти торъя мога отсӧг сетӧмын рекомендацияссӧ мониторингӧм да дасьтӧм, сы лыдын дӧнму да меставывса сӧмкудъясысь сӧм тшӧт весьтӧ;

7) челядьлӧн да том йӧзлӧн россияса ӧтмунӧмлӧн, сылӧн дӧнму да меставывса юкӧнъяслӧн удж серти котыртӧм конкурсыс вылӧ сетан заявкассӧ экспертъясӧн донъялӧмӧ пырӧдчӧм;

8) челядьлӧн да том йӧзлӧн россияса ӧтмунӧмлӧн дӧнму да меставывса юкӧнъяслысь уджсӧ сӧмӧн могмӧдӧмын отсалӧм;

9) челядькӧд да том йӧзкӧд уджаланногыс бурмӧдӧм могысь наставничество, менторство да тьюторство институтъяс сӧвмӧдны отсалӧм;

10) Коми Республикаын челядьлысь да том йӧзлысь россияса ӧтмунӧм сӧвмӧдан юалӧмъяс серти канму политика лӧсьӧдан да збыльмӧдан юкӧнын ӧтувъя стратегия индӧм;

11) Коми Республикаын челядьлӧн да том йӧзлӧн россияса ӧтмунӧмлӧн дӧнму юкӧнлы, меставывса да первичнӧй юкӧнъяслы отсӧг сетанногыс сӧвмӧдӧм серти рекомендацияс да вӧзйӧмъяс дасьтӧм;

12) Коми Республикаса олӧмӧ пӧртысь власьт органъяслысь, Коми Республикаын меставывса асвескӧдлан органъяслысь, велӧдан организацияслысь, ӧтйӧза ӧтувъяслысь да мукӧд организациялысь челядьлӧн да том йӧзлӧн россияса ӧтмунӧм сӧвмӧдан юалӧмъяс серти вӧчӧмторъяссӧ ладмӧдӧм;

13) Коми Республикаын челядълөн да том йөзлөн россияса өтмунөмлөн дінму юкөнлысь, меставывса да первичной юкөнъяслысь удж котыртөмсö бурмөдөм серти рекомендацияс да вöзйөмъяс дасьтөм;

14) Коми Республикаын челядълөн да том йөзлөн россияса өтмунөмлөн уджөн йөзкотырсьö тöдмөдөм да йөзкотырлысь бур видзöдлас лөсьöдөм.

6. Координационной совет сылы индөм могъяс олөмө пöртөм могысь вермө:

1) урчитөм пöрадокын корны да босьтны федеральной власьт органъяслөн мутас тэчасьясысь, Коми Республикалөн канму власьт органъясысь, Коми Республикаын меставывса асвеськөдлан органъясысь, öтйöза öтувьясысь да мукöд организациясысь Координационной советлы индөм могъяс олөмө пöртөм вылө колана материалъяс да юөр;

2) корны да кывзыны аслас заседанияяс дырйи Коми Республикаса олөмө пöртысь власьт органъясысь чина йөзöс, Коми Республикаын меставывса асвеськөдлан органъясысь чина йөзöс да организациясьöс петкөдлысьясöс;

3) ыстыны Коми Республикаса канму власьт органъяслы, Коми Республикаын меставывса асвеськөдлан органъяслы, мукöд организацияөн юрнуöдысьяслы Коми Республикаын россияса челядлы да том йөзлы отсög сетанногъяс сөвмөдөм серти Координационной советөн дасьтөм рекомендацияс да вöзйөмъяс;

4) котыртны экспертной да уджалан группаяс Координационной советлөн компетенцияö пырысь юалөмъяс серти.

7. Координационной советлөн заседаниясыс лоöны сылөн подув уджаланногөн. Координационной советлысь заседанияессö нуöдöны очнöя коланлун дырйи, но онас кыкысь оз гежöдджыка. Координационной советлөн заседаниясыс лыддысьöны тыр вынаөн, сэнi кө вöліны сэтчö пырысьяс лыдысь джынсьыс абу этшаджыкыс.

Координационной совет уджалö быд вося уджалан план подув вылын, кутшöмöс артмөдöма коллегиальной Координационной советö пырысьясөн вöзйөмъяс пыртөмөн да вынсьöдöма Координационной советөн веськөдлысьөн быд во öшым тöлысь 25 лунысь оз сёрджык.

8. Координационной советөн юрнуöдö Координационной советөн веськөдлысь, а сэк, кор сійö абу сылөн тшöктөм серти - Координационной советөн веськөдлысьöс вежысь.

Координационной советөн веськөдлысь:

1) котыртö Координационной советлысь шöр могъяс збыльмөдөмсö;

2) вынсьöдö Координационной советлысь уджалан плансö;

3) индö Координационной советлысь заседанияяс нуöдан местасö да кадсö;

4) вынсьöдö Координационной советлөн заседание дырйи сёрнитанторсö;

5) нуöдö Координационной советлысь заседанияяс;

6) кырымалö Координационнöй сöветлөн заседаниеяслысь сёрнигижöдьяссö, наысь выпискаяссö да Координационнöй сöветлысь мукöд документсö;

7) сетö Координационнöй сöветөн веськöдлысьöс вежысьлы либö Координационнöй сöветса секретарлы олöмö пöртöм вылö быть колана тшöктöмьяс.

9. Координационнöй сöветөн веськöдлысьöс вежысь:

1) пырöдчö Координационнöй сöветлөн заседаниеяс вылö петкöдöм юалöмьяс дасьтöмö;

2) пöртö олöмö Координационнöй сöветөн веськöдлысьлысь кывкутана могьяссö сэк, кор сийö абу.

10. Координационнöй сöветса секретар:

1) дасьтö Координационнöй сöветлысь уджалан плансö, лöсьöдö Координационнöй сöветлөн заседаниеяс дырйи сёрнитанторсö, котыртö Координационнöй сöветлөн заседаниеяс кежлö материальяс дасьтöмсö;

2) юöртö Координационнöй сöветö пырысьяслы Координационнöй сöветлысь локтан заседание нуöдан места, кад да сылөн сёрнитантор йылысь, могмöдö найöс колана справочнöй да юöртан материальясөн;

3) оформитö Координационнöй сöветлөн заседаниеяслысь сёрнигижöдьяссö;

4) котыртö Координационнöй сöветлысь документьяс видзöмсö да обработайтöмсö;

5) тöдмöдö став колана йöзöс Координационнöй сöветлөн помшуöмьяс йылысь тайö Положениелөн 15 пунктөн урчитöм пöрадокын да кадколастьясö Координационнöй сöветлөн заседаниеяслысь сёрнигижöд копияяс ыстöмөн;

6) видзöдö Координационнöй сöветлөн помшуöмьяс олöмö пöртöм бöрся.

11. Координационнöй сöветö пырысьяс:

1) пыртöны Координационнöй сöветса заседаниеяслөн уджаланногö да сёрнитанторйö вöзйöмьяс;

2) пырöдчöны Координационнöй сöветлөн заседаниеяс вылö петкöдöм юалöмьяс видлалöмö;

3) пыртöны Координационнöй сöветлысь урчиттöм заседаниеяс корöм серти вöзйöмьяссö да примитöны сылысь помшуöмьяс олöмö пöртöм могысь колана мераяс.

12. Координационнöй сöветөн веськöдлысь вынсьöдö Координационнöй сöветса заседаниеяслысь сёрнитанторсö Координационнöй сöветö пырысьяслысь вöзйöмьяссö тöд вылö босьтöмөн.

13. Координационнöй сöветса секретар тöдмöдö Координационнöй сöветö пырысьясöс да корöм йöзöс Координационнöй сöветлысь заседание нуöдан места да кад йылысь Координационнöй сöветлысь заседание нуöдан кадпасöдз кык уджалан лунысь оз сёрджык.

14. Координационнöй сöветлысь помшуöмьяссö примитöны заседаниеö пырöдчысь Координационнöй сöветö пырысьяслөн унджык

гӧлӧсӧн. Сэж, кор гӧлӧс лыдыс ӧтмында, вына гӧлӧс инӧдыс эм Координационнӧй сӧветӧн веськӧдлысьлӧн, а сэж, кор сійӧ абу – Координационнӧй сӧветӧн веськӧдлысьӧс вежысьлӧн, кодӧ нуӧдӧ заседаниесӧ.

Координационнӧй сӧветлӧн помшӧмьясыс да вӧзйӧмьясыс лоӧны вӧзьянаӧн.

15. Координационнӧй сӧветлысь помшӧмьяссӧ оформитӧны Координационнӧй сӧветса заседаниелӧн сӧрнигижӧдьясӧн, кутшӧмьясӧс кырымалӧ Координационнӧй сӧветӧн веськӧдлысь либӧ Координационнӧй сӧветӧн веськӧдлысьӧс вежысь, кодӧ веськӧдлӧ Координационнӧй сӧветлӧн заседание дырйи сійӧс оформитан лунсянь кык уджалан лун чӧжӧн.

Координационнӧй сӧветса секретар оформитӧ Координационнӧй сӧветлысь сӧрнигижӧдсӧ Координационнӧй сӧветлысь заседание нуӧдан лунсянь куим уджалан лун чӧжӧн.

Координационнӧй сӧветса заседаниелысь сӧрнигижӧд кырымалан лунсянь кык уджалан лун чӧжӧн сылысь копиясӧ ыстӧны Координационнӧй сӧветӧ пырысьяслы, а сӧдзжӧ колана органьясӧ да организациясӧ.

16. Коми Республика велӧдан, наука да том йӧз политика министерство котыртӧм да технической боксянь да юӧр чукӧртӧм-донъялӧм боксянь могмӧдӧ Координационнӧй сӧветлысь уджсӧ.